



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 45. Res Universitatis Parisinæ.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul. XIV
A.C. 1304.

Rayn. n. 32.

fiam in templo Prædicatorum sepultus est sine ceremonia, & sub tumulo primum rudi, cui posthæc addita sunt ornamenta architecturæ Gothicæ pro more temporis. Miracula ibi multa dicuntur facta. Summa Sedes vacavit undecim prope menses.

§. XLV.

Res Universitatis Parisina.

Nang. to. 11.
Spicil. p. 614

Dubois
p. 531. 538.

Cum Papæ Benedicti diplomata de absolute Regis Philippi Pulchri, ac de reddita Doctoribus potestate conferendi laureas Theologiæ ac Juris Canonici Parisios pervenissent, Regis litterarum horum diplomatum summam continentium in templo Dominæ Nostræ coram Præsulibus & Clero data opera accersitis publice legebantur 28 Junii pridie festum S. Petri. Decefferat die lunæ 22 ejusdem mensis Simon Matifas Bucinus Episcopus Parisiensis: cui die Veneris ante festum S. Matthæi decimo octavo Septembris per suffragia successus est Guilielmus Bosetus natus Auriliaci in Arvernia, Canonicus Parisinus, & Physicus, nempe Regis Medicus, quem doctrina & mores commendabant sui. Senones erant, ubi eum Archiepiscopus Stephanus Bequartus consecravit anno sequente die S. Sulpitii 17 Januarii.

Interim

Interim Universitas cessaverat a le-
 sionibus suis ob injuriam, quam perhi-
 bebatur accepisse se a Petro * Gemino ca-
 pitali Tribuno Parisino, quod is quendam
 Academicum nomine Philippum Barbe-
 rium Rothomagensem capi, ac suspen-
 dio perimi præcipiti mentis impetu jus-
 sisset. Quapropter Judex ecclesiasticus
 die lunæ ante Natalem SS. Virginis nem-
 pe septimo Septembris curavit edici, ut
 proximo die festo tempore sic dictæ
 Tertie horæ canonicæ omnes Parochi
 cum populo ad ædes Tribuni instructo
 ordine procederent; in quas jacerent la-
 pides, & clamarent: Secede, secede e-
 xecrande Satana! agnosce tuum fla-
 gitium! redde honorem nostræ Matri
 sanctæ Ecclesiæ, quam ignominia affeci-
 sti, quantum est in te, ac læsisti sua in li-
 bertate! alioqui fors tua sit cum Dathan
 & Abiron, quos terra vivos absorbit!
 Hoc edictum continebat administrandi
 muneris interdictionem & anathema.
 Lectiones omissæ sunt, donec Tribunus
 Universitati satisfaceret jussu Regis, ac
 Romam iret, ut absolveretur. Tum cœ-
 ptæ denuo sunt lectiones die Martis
 post festum Sanctorum Omnium tertio
 Novembris. In compensationem inju-
 riæ Rex quadraginta librarum redditus
 annuos ex suo ærario assignavit duobus

Sæcul. XIV.

A. C. 1304.

Nang. ibid.

Duboulay

to. 4. p. 72.

* Le Jumeau

Sæcul. XIV. sacrarii Præfectis ad Universitatis arbi-
 A.C. 1304. trium constituendis.

Nang. p. 617

*Duboulay
p. 69.*

*C. Firmiter.
1. de sum.
Trin. §. 3.*

Eodem anno Joannes Parisiensis ex Ordine Prædicatorum Theologiæ Doctor, magna scientia & eximio vir ingenio voluit introducere novam rationem explicandi præsentiam corporis Christi sub speciebus Eucharisticis, dixitque, hoc ibi esse posse non tantum per conversionem substantiæ panis in corpus Christi, quod esset pars naturæ humanæ secundum communem Doctorum opinionem; sed etiam defendi posse Christum assumere substantiam panis: & hanc explicationem esse magis popularem, & forsitan rationi ac veritati convenientiorem, quippe melius salvantem indicia remanentium specierum sensibilibus. Reliqui Doctores tuebantur contrarium, præcipue per decretalem Innocentii III de promptam e concilio Lateranensi, agebantque hanc explicationem novam esse rejiciendam tanquam dissentaneam fidei. Sed frater Joannes obstinato animo persistabat in sententia. Idcirco novus Episcopus Parisinus Guilielmus Auriliacensis convocavit Ægidium Romanum Bituricensem Archiepiscopum, Bertrandum Dionysiopolitanum Episcopum Aurelianensem, Guilielmum Matiscensem Ambiani Episcopum, aliosque Doctores, quorum de consilio fratri Joanni perpetuum hac

hac de re silentium imperavit sub a-Sæcul. XIV.
 natematis poena, si non pareret, lectio- A.C. 1304.
 nesque ac verbi divini præconium inter-
 dixit. Is appellavit ad Summam Sedem:
 atque in Romana curia designati sunt
 viri, qui in doctrinam ejus inquirerent:
 sed vitam prius reddidit, quam nego-
 tium finiretur.

§. XLVI.

*Expeditio sacra Fratris Joannis
 Moncorvini.*

Amplius annis quindecim Joannes Mon-
 corvinus Italus ex Ordine Fratrum *Sup. lib. 89.*
 Minorum in Oriente apostolicum ege- *S. 4.*
 rat virum, quando Generalis Ministri Vi- *Vading.*
 cario epistolam scripsit hunc in modum. *1305. n. 10.*
 Anno 1291 relicta Persica urbe Taure-
 sio ingressus Indiam tredecim menses S.
 Thomæ Apostoli templo utebar ad mu-
 nia mea, & variis in locis capita centum
 circiter sacro fonte ablui. Itineris co-
 mitem habui fratrem Nicolaum Pistori-
 num, qui mortuus ibi humatus est in eo-
 dem templo. Ego progressus ultra ad-
 veni in Cathajam regnum Imperatoris
 Tartariæ, quem Magnum appellant Ca-
 num. Invitavi eum secundum Papæ lit-
 teras ad amplectendam fidem nostram:
 sed obduruit nimis in cultu falforum Nu-
 minum: